



Sarajevo, 11.09.2023. godine

BOSNA I HERCEGOVINA
VIJEĆE MINISTARA BOSNE I HERCEGOVINE
Trg Bosne i Hercegovine broj 1
71000 SARAJEVO

11-09-2023
Lamin-x2

- n/r predsjedavajuće gospođe Krišto Borjane;
- n/r zamjenika predsjedavajućeg, gospodina Helez Zukana, ministra odbrane Bosne i Hercegovine,
- n/r zamjenika predsjedavajućeg, gospodina Košarac Staše, ministra vanjske trgovine i ekonomskih odnosa Bosne i Hercegovine;
- n/r ministra finansija i trezora Bosne i Hercegovine, gospodina Amidžić Srđana;
- n/r ministra vanjskih poslova Bosne i Hercegovine, gospodina Konaković Elmedina;
- n/r ministra sigurnosti Bosne i Hercegovine, gospodina Nešić Nenada,
- n/r ministra pravde Bosne i Hercegovine, gospodina Bunoza Davora;
- n/r ministra prometa i komunikacija Bosne i Hercegovine, gospodina Forto Edina;
- n/r ministra za ljudska prava i izbjeglice Bosne i Hercegovine, gospodina Hurtić Sevlida;
- n/r ministrice za civilne poslove Bosne i Hercegovine, gospođe Bošnjak Dubravke;
- n/r generalnog sekretara, gospodina Vidović Roberta;

PREDMET: Odluka o visini dnevnica za službena putovanja zaposlenim u Institucijama Bosne i Hercegovine i Odluka o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje, urgencija na naš akt, izmjene, tražimo,-

V E Z A : Naš akt od 15.05.2023. godine

Poštovani,

Obzirom da nismo dobili Vaš odgovor na naš akt od 15.05.2023. godine niti je u međuvremenu došlo do bilo kakve promjene po pitanju izmjene Odluke o visini dnevnica za službena putovanja zaposlenim u Institucijama Bosne i Hercegovine i Odluka o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje urgiramo na isti i tekst istog Vam u cjelosti dostavljamo u nastavku:

„Službeni glasnik BiH“ broj 6/12, visina dnevnice za službena putovanja u Bosni i Hercegovini je smanjena na 25,00 KM i ista nije korigovana prethodnih 11 godina.

Imajući u vidu da ista u smislu odredbe člana 4. stav (1) Odluke o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje podrazumijeva naknadu za ishranu na službenom putu a da pri tome u smislu člana 12. iste Odluke uposleni koji je upućen na službeni put, za vrijeme trajanja istog, nema pravo na naknadu po osnovu prekovremenog rada, rada u neradne dane, noćnog rada, rada nedjeljom i rada u dane državnog praznika kao ni naknadu za ishranu tokom rada ni naknadu za odvojen život smatramo da ista ugrožava prava uposlenih obzirom da su u slučaju upućivanja na službeni put sa iznosom dnevnice od 25,00 KM oštećeni obzirom da primaju mnogo manji iznos sredstava od iznosa koji bi primili da nisu bili na službenom putu a istovremeno su ostvarili veći broj radnih sati.

S tim u vezi, **tražimo hitnu izmjenu člana 1. Odluke o visini dnevnica za službena putovanja zaposlenim u Institucijama Bosne i Hercegovine** u smislu da se umjesto 25,00 KM utvrdi dnevica za službeno putovanje u iznosu od 60,00 KM.

Također, obzirom da se u skladu sa članom 2. Odluke o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje, pod službenim putem podrazumijeva putovanje na teritoriji Bosne i Hercegovine, kao i putovanje u inozemstvo, na koje se uposelni u instituciji upućuje radi izvršavanja službenog zadatka, pod uvjetom da je mjesto na koje se uposleni upućuje udaljeno od mjesta rada više od 50 kilometara, sve operativne aktivnosti policijskih službenika i službenika Uprave za indirektno oporezivanje Bosne i Hercegovine trenutno tretiraju službenim putovanjima pa tako između ostalog i provođenje posebnih istražnih radnji po naredbi nadležnih sudova „nadzor i tehničko snimanje“ a zatim i pretresanje, lišenje slobode, operativni nadzor granice i slično u okviru kojih policijski službenici i službenici UIO BiH nerijetko na terenu provode i po 24 sata poduzimajući mjere i radnje tokom cijelog puta čime su zbog primjene člana 12. predmetne Odluke znatno oštećeni a predmetna Odluka obesmišljena.

Iz navedenih razloga tražimo da se izmijeni **Odluka o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje** na način da se različito definišu „službeno putovanje“ i „operativni rad“, te da se policijski službenici i službenici UIO BiH tokom obavljanja operativnih aktivnosti izuzmu od primjene člana 12. (Ograničenje kumuliranja naknada) iste Odluke.“

Molimo Vas, obzirom na učestala neodložna službena putovanja uposlenih koja zbog ovakvog načina obračuna i visine dnevnice, predstavljaju dodatni trošak, da navedeni zahtjev uzmete u razmatranje po hitnom postupku.

S poštovanjem,

SSPO u BiH

Dragan Kravac

predsjednik



Broj: 13/2



SUINO

Ana Mrnjavac

predsjednica

Broj: 76/9-09/23



SDSZ BiH

Radenko Mirković

predsjednik



Broj: 03-SD-70/23